



Xalq so'zi

O'zbekiston —
kelajagi
buyuk
davlat

2023-YIL — INSONGA E'TIBOR VA SIFATLI TA'LIM YILI

1991-yil 1-yanvardan chiqa boshlagan • WWW.XS.UZ • E-mail: Info@xs.uz • 2023-yil 5-sentabr, № 185 (8528)

Seshanba Saytimizga o'tish uchun QR-kodni telefoningiz orqali skaner qiling.



YANGI O'ZBEKISTON MAKTAB OSTONASIDAN BOSHLANADI

Mamlakatimizdagi barcha umumta'lim maktablarida
"Birinci qo'ng'iroq" sadolari jaranglab,
2023/2024 o'quv yili boshlandi.



Shukuh

Bolajonlarga maroqli hordiq, qaynoq xotiralari ulashgan yoz fasli o'z o'rnini sokinlik va teranlik pallasini — kuzga bo'shatib berdi. Quyoshning zarrin shu'ialari endi avvalgidek qizdirmaydi, mayin shabada yuzlarni ohista silab, qalbgaga ajib bir xotirjamlik, yaxshi kayfiyat, baland ruh bag'ishlaydi. Yigit-qizlar ana shunday ilhom baxsh tuyg'ular, yorug' umidlar bilan ta'lim muassasalari sari oshiqadi. Maktablarda ustozlar mehri, do'stu o'rtoqlar sog'inchi, qadrdon kitoblar, shinam sinfonalar ularni o'ziga chorlab turibdi. "Birinci qo'ng'iroq" jarangi yangi o'quv yili boshlanganidan darak beradi. G'oyat shukuhli, ayni paytda yuksak mas'uliyatli damlar... Yangi o'quv yili — hayotning yangi dovoni, orzu-maqсадlar ro'yobi sari yana bir qadam tashlash, yangi imkoniyatlar, yangi ufqlar degani... 4 sentyabr kuni Maktabgacha va maktab ta'limi vazirligi tizimidagi 10 ming 160 ta maktabda ana shunday quvonch va hayajonga to'la yangi o'quv yilining ilk dars soatlari bo'lib o'tdi.



Dunyo nigohi

"Rossiyskaya gazeta": O'ZBEKISTON MARKAZIY OSIYO MINTAQASI TARAQQIO'TI VA FAROVONLIGINING ASOSIY ISHTIROKCHISI

"Rossiyskaya gazeta" nashrida Rossiya Hukumati huzuridagi Moliya universitetining Xalqaro iqtisodiy munosabatlar tadqiqot instituti direktori Viktoriya Perskaya qalamiga mansub "O'zbekiston Markaziy Osiyo mintaqasi taraqqiyoti va farovonligining asosiy ishtirokchisi" sarlavhali maqola e'lon qilindi.

Unda muallif O'zbekistonning ijzamonaviy taraqqiyotini insoniy qadriyat g'oyaviy-ma'naviy konsepsiyasidan kelib chiqib tahlil qilgan.

"Respublikaning yangi yo'nalishi barqaror dinamik rivojlanishni ta'minlashdan iborat bo'lib, buni demokratik taraqqiyot va tenglik, ijtimoiy adolat hamda hamjihatlik siyosatini amalga oshirishdan turib bajarib bo'lmaydi", deb yozgan ekspert.

Nashrda qayd etilishicha, joriy yilning aprel oyida yangilangan mamlakat Konstitutsiyasi insonparvar, demokratik, jadal o'sib borayotgan, tashqi dunyoga ochiq, adolatli jamoat tartibiga ega jamiyat qurishning mustahkam poydevori bo'lib, barqaror rivojlanishni va xalqaro hamkorlik istiqbolini ta'minlaydi. Shu bilan birga, qulay sarmoyaviy muhitni ravnaq toptirishga xizmat qilayotgan ichki bozorni rivojlantirish muhimligi ta'kidlangan.

Muallif O'zbekistonning qo'shni davlatlar bilan hamkorlik, bir-birini qo'llab-quvvatlash, tinchlik va totuvlik asosidagi xalqaro munosabatlarni jipslashtirishga qaratilgan yondashuvlarini ham alohida urg'ulagan.

"Boshqacha aytganda, gap mintaqaviy rivojlanishning yangi konsepsiyasini shakllantirish va o'ziga xos siyosiy hamda ijtimoiy jihatga ega bo'lgan Markaziy Osiyoning yagona geoiqtisodiy makonini yaratish haqida bormoqda, — deya ta'kidlangan nashrda. — Shu tariqa O'zbekiston Markaziy Osiyo mintaqasini tinchlik, izchil taraqqiyot va mintaqa aholisi farovonligi yuksalib borayotgan hududga aylantirish tashabbusi bilan chiqdi".

Maqolada, shuningdek, aynan O'zbekiston rahbariyati ijtimoiy, iqtisodiy va siyosiy makonni yaratishning yangilangan shakllarining drayveri bo'layotgani ma'lum qilingan. Bu esa respublika oldiga katta majburiyatlar yuklaydi, yangi talablarni qo'yadi. Xususan, bu o'z iqtisodiyotining barqaror va izchil ravnaqini ta'minlaydi.

Muallif O'zbekistonning zamonaviy rivojlanishining makroiqtisodiy ko'rsatkichlari haqidagi ma'lumotlarga e'tibor qaratgan va tashqi savdo hamda sarmoyaviy hamkorlikning o'sishini qayd etgan.

"Bugungi kunda O'zbekiston qo'shni davlatlar — Qozog'iston, Qirg'iziston, Tojikiston va Turkmaniston bilan strategik sheriklik munosabatlarini o'rnatgan va ularning bir qatori bilan aloqalar itifoqchilik darajasiga ko'tarilgan", deydi ekspert.

Nashrda ochiq va ishonchli mulot qot maydoniga aylangan Markaziy Osiyo davlatlari rahbarlarining Maslahat uchrashuvlari, mintaqaviy iqtisodiy rivojlanish sohasida kelishilgan harakatlarni ishlab chiqish mexanizmi samaradorligi qayd etiladi.

Muallif O'zbekistonning Afg'oniston mintaqaviy savdo-iqtisodiy jaryonlarga jalb qilish borasidagi yondashuvlariga ham e'tibor qaratgan.

"Mintaqaviy hamkorlikning strategik yo'nalishi xavfsizlik sohasidagi sheriklik masalalari bo'lib qolmoqda. O'zbekiston bu sohada ustuvor yo'nalishlarni ekstremizm va terrorizmning an'anaviy tahdidlari, uyushgan jinoyatchilik va narkotrafik, shuningdek, kibernetika va kibernetika kurash deb biladi", deyiladi maqolada.

Shu nuqtai nazardan, O'zbekiston Prezidenti tomonidan "Markaziy Osiyo davlatlari o'rtasidagi mintaqaviy hamkorlik" xalqaro konferensiyasida taklif etilgan, jumladan, mintaqada BMT aksilterror boshqarmasi ofisini ochish, mintaqaviy xavfsizlik masalalarini muhokama qilish uchun Markaziy va Janubiy Osiyo mamlakatlari O'shlar kengashini chaqirish, raqamli makonda terrorizmga qarshi kurashish uchun Markaziy Osiyoda kibernetik terrorizm bo'yicha Yagona elektron tizimni yaratish kabi chora-tadbirlarga alohida e'tibor qaratilmoqda.

Yuqoridagilarni sarhisob qilar ekan, muallif O'zbekistonning Markaziy Osiyo davlatlarining ishonchli sherikligini mustahkamlash borasidagi tashabbusi BMT tomonidan qo'llab-quvvatlanganini va Bosh Assambleyaning "Markaziy Osiyo mintaqasida tinchlik, barqarorlik va izchil taraqqiyotni ta'minlash bo'yicha mintaqaviy va xalqaro hamkorlikni mustahkamlash" maxsus rezolyusiyasi ma'qullanganini alohida ta'kidlaydi.

"Dunyo" AA,
Moskva

Mushohada

YO'L HARAKATI YUKSAK MADANIYATNI TALAB ETADI

Oxirgi yillarda mamlakatimizda yo'l-transport hodisalarining oldini olish borasida ko'plab choratadbirlar ko'rilmogda. Ammo shunga qaramay bu borada ijobiy o'zgarishlar ko'p deb bo'lmaydi. Achinarlisi, ayrim haydovchilar yo'l harakati qoidalarini buzishda davom etayotir.

Bunday sharoitda ba'zi mutaxassis va ekspertlar jazoni yanada kuchaytirishni taklif qilayotir. Biroq bu bilan asosiy maqsadga erishish mushkul. Demoqchimizki, barcha yo'l harakati qatnashchilarida yuksak huquqiy madaniyatni shakllantirishdan turib, yo'l-transport hodisalarining oldini olib bo'lmaydi.

Mavjud vaziyat tahlili ham shunga ishora bermoqda. O'zbekiston IIV Jamoat xavfsizligi departamenti Yo'l harakati xavfsizligi xizmati ma'lumotlariga ko'ra, joriy yilning yetti oy davomida respublika hududida 4 772 ta YTH qayd etilgan. Shundan 2 453 tasi yoki 51,4 foizi sub'yektiv sabablarga ko'ra yuz bergan, ya'ni haydovchilar yo'l harakati qoidalariga e'tibor bermasligi oqibatida kelib chiqqan.

Agar haydovchilar yo'l harakati qoidalariga rioya qilganida YTHlar sodir bo'lmaydi. Achinarlisi, o'tgan yetti oyda O'zbekistonda yo'l-transport hodisalari natijasida 1 115 kishi vafot etgan, 4 564 nafari turli tan jarohatlari olgan.



Qonunchilik palatasi fraksiyalarida

ILGARI SURILGAN TASHABBUSLAR DEPUTATLIK KORPUSI E'TIBORIDA

Prezidentimizning mamlakatimiz mustaqilligining o'ttiz ikki yilligiga bag'ishlangan tantanali marosimdagi nutqida har bir soha vakillarining Vatanga mehr va sadoqat bilan uddalayotgan har kunlik mehnati yurtimiz mustaqilligini yanada mustahkamlashga xizmat qilayotgani, shu ma'noda, Istiqloq bayrami — barchamizning bayramimiz, mustaqil O'zbekiston — barchamizning faxrimiz, iftixorimiz, desak, ayni haqiqat ekani alohida ta'kidlandi. Albatta, bu jarayonda parlament, xususan, xalq vakillarining ham mas'uliyatli hisssasi bor.

Shundan kelib chiqib, kecha Oliy Majlis Qonunchilik palatasida bo'lib o'tgan siyosiy partiyalar fraksiyalar yig'ilishlarida davlatdastavval ushbu dasturilamal nutqda ilgari surilgan tashabbuslarga alohida e'tibor qaratildi. Fuqarolar manfaatlarini ta'minlashga oid qabul qilinayotgan huquqiy

hujjatlar ijrosida partiyalar va uning deputatlik korpusi oldida turgan ustuvor vazifalar atroficha ko'rib chiqildi. Ayni paytda quyi palataning navbatdagi majlisi kun tartibiga kiritilgan bir qator qonun loyihalari ham qizg'in muhokama etildi.



Biz va jahon

Elchi Yuy Szyun:

XITOIY YAQIN QO'SHNI, DO'ST VA ISHONCHLI HAMKOR SIFATIDA O'ZBEKISTONNING YUTUQLARIDAN MAMNUN

O'zbekiston mustaqilligining 32 yilligi keng nishonlanayotgan shu kunlarda Xitoy Xalq Respublikasining O'zbekistondagi Favqulodda va muxtor elchisi "Dunyo" AA muxbiri savollariga javob berdi.

Yuy Szyun shu yilning 30 avgust kuni O'zbekiston Prezidenti Shavkat Mirziyoyevga o'zining ishonch yorliqlarini topshirib, mamlakatimizdagi diplomatik missiyasini rasman boshlagan edi.

— Janob elchi, sizni O'zbekistondagi missiyangiz boshlanishi bilan tabriklaymiz va faoliyatigizda ulkan muvaffaqiyatlar tilaymiz. Suhbatni yurtimiz haqidagi taassurotlarigizdan boshlasak. Mamlakatimizning hozirgi taraqqiyoti va salohiyatini qanday baholaysiz?

— So'nggi yillarda Prezident Shavkat Mirziyoyev rahnamoligida yangi O'zbekistonda barpo etish izchil o'lg'a surilmogda, siyosat, iqtisodiyot va jamiyatdagi islohotlar yuksak samaralar berayotir. Mamlakatning yaxlit qudrati yangi bosqichga ko'tarildi, u yanada ochiq va o'ziga ishonchga ega bo'lib, tezda rivojlanish davriga kirdi.



O'zbekiston rahbariyati hamisha xalqni hamma narsadan ustun qo'yadi, xalqning ovozi va ehtiyojlariga katta ahamiyat qaratmogda. Ma'muriy samaradorlik va boshlang'ich bo'g'inda boshqaruv darajasi yaxshilanyapti.



Ko'z o'ngimizdagi o'zgarishlar

O'TMISHI MUNGLI, BUGUNI NURAFSHON

Navoiy kon-metallurgiya kombinati (NKMK) tarixi muzeyida saqlanayotgan eksponatlar Qizilqum barxanlari o'rnida qariyb yuz million yil ilgari Tetis dengizi mavjlanganidan so'zlaydi. Bu yerda saqlanayotgan dinozavrlarning boldir suyaklari, nahang tishlari, toshbitiklar, ko'hna sivilizatsiya qoldiqlari hududning shonli o'tmishidan dalolat...

Muzey ostonasini hatlab tashqariga chiqarkansiz, tarix zarvaraqalaridan yangi bir olamga — buyuk o'tmishdan kuch olib, yangi orzular bilan yuksak marralar sari intilgan nurlari bir manzilga tushib qolganek his qilasiz. Bu ajoyib shahar Markaziy Osiyoning yirik sanoat markazlaridan biri — Navoiy.



3-sahifaga qarang.

